



საქართველოს სოც.

საზოგადოებრივი

მუშათა და გლეხთა მთავრობის
კანონთა და განკარგულებათა კრებული

სახალხო კომისარათა საზოგადოებრივი და ეკონომიკური საზოგადოებრივი
სამართლებრივი განყოფილება

1935 წ. ნოემბრის 29.

№ 29

ტფილისი.

შ ი ნ ა ა რ ს ი

სახელმწიფო წყობილება.

179. სასოფლო საბჭოების საფინანსო მუშაობის გაუმჯობესებისათვის საჭირო ზოგიერთი ღონისძიების შესახებ.

სახელმწიფო მმართველობა.

180. ტფილისის საქალაქო საბჭოსათვის საწარმოთა მიერ სათბობი და საცხები მასალის შენახვის, აღრიცხვისა და ხარჯვის მომწესრიგებულ სავალდებულო დადგენილებათა გამოცემის უფლების მინიჭების შესახებ.

181. ლოტერიისა და სანებაყოფილო გამოსაღება თაობაზე არსებული საერთო-საკავშირო კანონმდებლობის შესაბამისად საქართველოს სსრ კანონმდებლობაში ცვლილების შეტანის შესახებ.

მიწა, ტყე, წყალი, სოფლის მეურნეობა.

182. 1935/36 წლის საშემოდგომო და საზაფხულო თესვის უკეთესად ჩატარების კონკურსის შესახებ.

კომუნალური და საბინაო მეურნეობა.

183. ქალაქებსა და ქალაქის ტიპის დასახლებულ ადგილებში სახლების ნებადაურთველი მშენებლობის მოსპობის ღონისძიებათა შესახებ.

გ ა ნ ა თ ლ ე ბ ა.

184. საბავშვო ბაღების—საქართველოს სსრ განათლების სახალხო კომისარიატის გამგებლობაში გადაცემის შესახებ.

ჯანმრთელობის დაცვა.

185. მღრღნელებთან ბრძოლის ღონისძიებათა შესახებ.

სახელმწიფო წყობილება

179. დადგენილება ს.კ.ს.

046.7

სასოფლო საბჭოების საფინანსო მუშაობის გაუმჯობესებისათვის საჭირო ზოგიერთი ღონისძიების შესახებ.

სასოფლო საბჭოების საფინანსო მუშაობის გაუმჯობესებისა და მომზადებული საიმედო საფინანსო კადრებით განმტკიცების მიზნით, და „სასოფლო საბჭოების საფინანსო მუშაობის გაუმჯობესებისათვის საჭირო ღონისძიებათა შესახებ“ გამოცემული, სსრ კავშირის სახალხო კომისარათა საბჭოს 1935 წ. აგ-

ვისტოს 3-ის დადგენილების შესაბამისად (სსრკ კან. კრ. 1935 წ. № 42 მუხ. 358) საქართველოს სსრ სახალხო კომისართა საბჭო ადგენს:

1. დადგენილ იქნას 1935 წ. მე-IV კვარტალის განმავლობაში სასოფლო საბჭოებთან სახაზინადრო მოვალეობათა აღსრულების შემდეგი წესი:

ა) იმ სასოფლო საბჭოში, რომელიც აერთიანებს 600-ზე მეტ კომლს, შემოღებულ იქნას სასოფლო საბჭოს თავმჯდომარის მოადგილის თანამდებობა საფინანსო მუშაობისათვის და დაეკისროს მას სასოფლო საბჭოს ხაზინადრის მოვალეობანი;

ბ) იმ სასოფლო საბჭოში, რომელიც 600-მდე კომლს აერთიანებს, ამა მუხლის „გ“ პუნქტში აღნიშნული სასოფლო საბჭოების გამოკლებით, ხაზინადრის მოვალეობანი დაეკისროს სასოფლო საბჭოს მდივანს და დაენიშნოს მას დამატებითი სასყიდელი სახაზინადრო მუშაობისათვის 15 მანეთიდან 30 მანეთამდე თვეში;

გ) იმ სასოფლო საბჭოში, რომელიც აერთიანებს 200-ზე ნაკლებ კომლს, უკეთეს მონაგარიშის თანამდებობაზე სპეციალური მომუშავე არ არის დანიშნული და ანგარიშწარმოება დაკისრებული აქვს სასოფლო საბჭოს მდივანს, ხაზინადრის მოვალეობანი დაეკისროს სასოფლო საბჭოს თავმჯდომარეს, სპეციალური დამატებითი სასყიდლით სახაზინადრო მუშაობისათვის 15 მანეთიდან 25 მანეთამდე თვეში.

2. წინადადება მიეცეს სარაიონო აღმასრულებელ კომიტეტებს—შემოიღონ სასოფლო საბჭოებში საფულე ყუთები (რკინისა ან რკინით მოჭედილი) საიმედო კლიტეებით—ისეთი ვარაუდით, რომ 1936 წ. იანვრის 1-თვის ყველა, გამოუკლებლივ, სასოფლო საბჭო უზრუნველყოფილ იქნას საფულე ყუთით.

დაწესებულ იქნას, რომ საფულე ყუთში უნდა ინახებოდეს მთლად ხელთქონებული ფული, რაც სასოფლო საბჭოში შემოდის, სახელმწიფო ბანკის განყოფილებაში ან შემნახველ სალაროში ჩაბარებამდე, აგრეთვე ქვითარები, ფულადი დოკუმენტები, ფასიანი სახელმწიფო ქაღალდები და სხვა ფასიანი დოკუმენტები.

დაწესებულ იქნას, რომ საფულე ყუთის გასაღები ინახება სასოფლო საბჭოს ხაზინადართან ან იმ პირთან, რომელსაც დაკისრებული აქვს სახაზინადრო მოვალეობათა აღსრულება.

3. დაევალოს სასოფლო საბჭოებს—დააწესონ სასოფლო საბჭოს სადგომის მუდმივი დაცვა სასოფლო აღმასრულებლების მიერ.

4. დაწესებულ იქნას, რომ სასოფლო საბჭოს თავმჯდომარე პირდაპირ პასუხს აგებს სასოფლო საბჭოს სალაროს შენახვისათვის, ხაზინადრის მიერ ფულის წესიერი მიღებისა და გაცემისათვის და აგრეთვე მონაგარიშის ან მდივნის მიერ ქვითარებისა და სასოფლო საბჭოს სხვა ფულადი დოკუმენტების წესიერი გაფორმებისათვის.

5. დაწესებულ იქნას, რომ სახსარს სასოფლო საბჭოს სალაროდან ვალსა და სასოფლო საბჭოს ხაზინადარი ან სახაზინადრო მოვალეობათა აღსრულებ-

ბელი პირი მხოლოდ სასოფლო საბჭოს თავმჯდომარის წერილობითი გულებით სამუშაო ხელფასის უწყისზე, ანგარიშზე ან სხვა სახარჯო დოკუმენტზე.

6. წინადადება მიეცეს ფინანსთა სახალხო კომისარიატს და სარაიონო აღმასრულებელ კომიტეტებს—ჩაატარონ 1935 წლის ბოლომდე სასოფლო საბჭოების მოანგარიშეთა პირადი შედგენილობისა და მათი საქმიანობის კვალიფიკაციის შემოწმება და უზრუნველყონ სასოფლო საბჭოები საიმედო მოანგარიშებებით.

7. დადგენილ იქნას როგორც წესი, რომ სასოფლო საბჭოს მოანგარიშე შეიძლება დაინიშნოს სამუშაოზე ან მოიხსნას სამუშაოდან მხოლოდ სათანადო სარაიონო აღმასრულებელი კომიტეტის თანხმობის შემდეგ, სარაიონო საფინანსო განყოფილების გამგის მოხსენებისამებრ.

8. შემდეგი დროისათვის სასოფლო საფინანსო მომუშავეთა მომზადებისა და კვალიფიკაციის ამაღლების მიზნით წინადადება მიეცეს საქართველოს სსრ ფინანსთა სახალხო კომისარიატს:

ა) უზრუნველყოს, რათა სასოფლო საბჭოს თვითეულმა მოანგარიშემ აუცილებლად გაიაროს ანგარიშწარმოების ორ-სამთვიანი კურსები—იმ კანონების სავალდებულო შესწავლით, რომელთა ცოდნაც საჭიროა მოანგარიშეთათვის მათ მუშაობაში; ამასთანავე, სტაციონარული კურსების გახსნა დაკავშირებულ უნდა იქნეს ფინანსთა სახალხო კომისარიატთან სასოფლო საფინანსო მომუშავეთათვის უკვე არსებულ დაუსწრებელ კურსებზე;

ბ) მოაწყოს, სრულიად საქართველოს ცენტრალური აღმასრულებელი კომიტეტის საორგანიზაციო განყოფილებასთან შეთანხმებით, ოთხეკვსთვიანი კურსები სასოფლო საბჭოების მდივანთათვის—იმ კანონების სავალდებულო შესწავლით, რომელთა ცოდნაც საჭიროა სასოფლო საბჭოების მდივანთათვის მათ მუშაობაში, აგრეთვე საჭირო სახაზინადრო საქმის საფუძვლების შესწავლით;

გ) შემოიღოს პრაქტიკად სასოფლო საბჭოების მდივანთა და მოანგარიშეთა პერიოდული სარაიონო და კურსობითი საინსტრუქტორო თათბირების ჩატარება სასოფლო საბჭოების საფინანსო მუშაობის ყველა მორიგი საკითხისათვის;

დ) მოაწყოს, სარაიონო აღმასრულებელ კომიტეტებთან ერთად, შევირდობა სასოფლო საბჭოების მდივანთა და მოანგარიშეთა მოსამზადებლად—სასოფლო საბჭოების უფრო გამოცდილ და საიმედო მდივანებთან და მოანგარიშებებთან 2-3 თვით ახალგაზრდა მომუშავეთა მივლინებით, უპირველეს ყოვლისა კომკავშირელთაგან.

9. წინადადება მიეცეს სარაიონო აღმასრულებელ კომიტეტებს—იხმარონ ლონისძიებანი სსრ კავშირის სახალხო კომისართა საბჭოს ზემოაღნიშნული, 1935 წ. აგვისტოს 3-ის, დადგენილების 1-ლ, მე-3 (ნაწ. I), 7—9, (ნაწ. II), 17 და 20 მუხლებში აღნიშნული წესების ზედმიწევნით შესრულებისათვის.

10. მიენდოს ავტონომიური რესპუბლიკებისა და ავტონომიური ოლქების ცენტრალურ აღმასრულებელ კომიტეტებსა და საქართველოს სსრ ფინანსთა სახალხო კომისარიატს—უზრუნველყონ, რათა სარაიონო აღმასრულებელმა კომიტეტებმა დამტკიცონ 1936 წლის სასოფლო ბიუჯეტები არავეითარ შემთხვევაში არა უგვიანეს 1936 წ. იანვრის 1-ისა.

11. წინადადება მიეცეს საქართველოს სსრ ფინანსთა სახალხო კომისარიატს—გამოსცეს სასოფლო საბჭოების მუშაობის წესების კრებული.

12. წინადადება მიეცეს სარაიონო აღმასრულებელ კომიტეტებს—მიუზინონ სარაიონო საფინანსო განყოფილებათ ცხენები (1—2 ცხენი), რომლებიც სრულ მათ განკარგულებაში უნდა იყვნენ, რისთვისაც გამოყონ საჭირო სახსარი 1935 წლის ადგილობრივი ბიუჯეტით.

13. წინადადება მიეცეს ფინანსთა სახალხო კომისარიატს—გაითვალისწინოს 1936 წლის ბიუჯეტით თანხები, რაც საჭიროა სსრ კავშირის სახალხო კომისართა საბჭოს 1935 წ. აგვისტოს 3-ის დადგენილების საფუძველზე საქართველოს სსრ რაიონებისათვის გამოსაყოფი ველოსიპედების შესაძენად სარაიონო საფინანსო განყოფილებათა ინსპექტორებისათვის და ავტომობილების შესაძენად უფრო დიდი რაიონების საფინანსო განყოფილებებისათვის.

14. ამა დადგენილებით გამოწვეული ხარჯები ღონისძიებათა იმ ნაწილისთვის, რაც განხორციელებულ უნდა იქნას მიმდინარე წელს, მიეკუთვნოს სათანადო ადგილობრივ და სახელმწიფო ბიუჯეტს 1935 წლისათვის დამტკიცებული საადმინისტრაციო-სამმართველო ხარჯების ფარგლებში.

საქ. სსრ ს.კ.ს-ის თავმჯდომარის მოადგ. ბ. მდივანი.

საქ. სსრ ს. კ. ს-ის საქმეთა მმართველი ა. ქავთარაძე.

1935 წ. სექტემბრის 26. № 1333.

ტფილისი

სახელმწიფო მმართველობა

1144.2
1153.3

180. დადგენილება ც.ა.კ. და ს.კ.ს.

ტფილისის საქალაქო საბჭოსათვის საწარმოთა მიერ სათბობი და საცხები მასალის შენახვის, აღრიცხვისა და ხარჯვის მომწესრიგებელ სავალდებულო დადგენილებათა გამოცემის უფლების მინიჭების შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

მიენიჭოს ტფილისის საქალაქო საბჭოს უფლება გამოსცეს სავალდებულო დადგენილებანი, რომლებითაც მოწესრიგდება სათბობი და საცხები მასალის შენახვა, აღრიცხვა და ხარჯვა.

სრ. საქ. ც.ა.კ-ის თავმჯდომარის მ. ა. თ. ულენტი.

საქ. სსრ ს.კ.ს-ის თავმჯდომარის მოადგ. ბ. მდივანი.

სრ. საქ. ც. ა. კ-ის მდივნის მაგ. ვ. ვაშაკიძე.

1935 წ. სექტემბრის 11. № 81/1379-ა.

ტფილისი.

181. დადგენილება ც.ა.კ. და ს.კ.ს.

ლოტერეასა და სანებაყოფლო გამოსაღებთა თაობაზე არსებული საერთო-საკავშირო კანონმდებლობის შესაბამისად საქართველოს სსრ კანონმდენლობაში ცვლილების შეტანის შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

შეტანილ იქნას ცვლილებანი შემდეგ საკანონმდებლო აქტებში:

1. სრულიად საქართველოს ცენტრალურ აღმასრულებელ კომიტეტთან არსებული, ბავშვთა ცხოვრების პირობების გამაუმჯობესებელი კომისიის დებულებაში (საქ. სსრ. კან. კრ. 1932 წ. მე-3 №-ი, მუხ. 25):

მე-15 მუხლის „ა“ პუნქტი მიღებულ იქნას შემდეგი რედაქციით:

[15. კომისიის სახსარს შეადგენს]:

„ა) ნებაყოფლობითი შენატანი—ერთდროული და პერიოდული“.

2. სრულიად საქართველოს ყრუ-მუნჯთა საზოგადოების დებულებაში (საქ. სსრ კან. კრ. 1935 წ. მე-11 №-ი, მუხ. 63):

მე-13 მუხლის „დ“ პუნქტში ამოიშალოს სიტყვა „ლოტერეების“.

3. სრულიად საქართველოს უსინათლოთა საზოგადოების დებულებაში (საქ. სსრ კან. კრ. 1935 წ. მე-11 №-ი, მუხ. 64):

მე-13 მუხლის „დ“ პუნქტში ამოიშალოს სიტყვა ლოტერეებით.

4. სრულიად საქართველოს ომის ინვალიდებისა, ავადმყოფ, დაჭრილ და დემობილიზებულ წითელარმიელების და წითელფლოტელებისა, მუშათა და გლეხთა წითელი არმიის და ფლოტის რიგებში გაწვეულ პირთა ოჯახებისა და ომში დაღუპულ პირთა ოჯახების დამხმარე საზოგადოების დებულებაში (საქ. სსრ კან. კრ. 1935 წ. მე-12 №-ი, მუხ. 65):

მე-12 მუხლის „გ“ პუნქტი მიღებულ იქნას შემდეგი რედაქციით:

[12. საზოგადოებისა და მისი ადგილობრივი ორგანიზაციების სახსარს შეადგენს:]

„ბ) ლექციების, კონცერტების, სალიტერატურო საღამოების, წარმოდგენების, კინო-სეანსების, გამოფენების, ბაზრობის, სალიტერატურო გამოცემებისა და სხვა მისთ. შემოსავალი და სხვა რამე მინალები.

სრ. საქ. ც.ა.კ.-ის თავმჯდომარის მ. ა. თ. ჟღენტი.

საქ. სსრ ს.კ.ს.-ის თავმჯდომარის მოდგ. ბ. მდივანი.

სრ. საქ. ც.ა.კ.-ის მდივნის მაგ. ვ. ვაშაკიძე.

1935 წ. სექტემბრის 16. № 74/1085.

ტფილისი.

მიწა, ტყე, წყალი. სოფლის მეურნეობა.

182. დადგენილება ს.კ.ს.

1935/36 წლის საშემოდგომო და საზაღბულო თესვის უკეთესად ჩატარების კონკურსის შესახებ.

საქართველოს სსრ სახალხო კომისართა საბჭო ადგენს:

1. გამოცხადებულ იქნას რესპუბლიკანური კონკურსი უკეთეს რაიონზე, სამანქანო-სატრაქტორო სადგურზე, კოლექტიურ მეურნეობაზე და აგრონომზე, რომელთაც 'ამგალითოდ მოაწყვეს და ჩაატარეს 1935/36 წლის საშემოდგომო და საგაზაღ ულო თესვა.

2. კონკურსისათვის პრაქტიკული ხელმძღვანელობისა და ჩატარებისათვის კონტროლის გასაწევად, აგრეთვე საკონკურსო მასალის განსახილველად და სხვა მისთ. გამოყოფილ იქნას რესპუბლიკანური საკონკურსო კომისია ამხ. მგალობლიშვილის თავმჯდომარეობით და შემდეგი შემდგენილობით: ამხანაგნი მათიკაშვილი, ხამგალაძე, მაზღრინი, ქიქოძე და ზეინალოვი.

3. ხელმძღვანელობის გაწევა ადგილობრივ კონკურსის ჩატარებისათვის დაეკისროს სარაიონო საკონკურსო კომისიებს სარაიონო აღმასრულებელი კომიტეტის თავმჯდომარის თავმჯდომარეობით და შემდეგი შემდგენილობით: სარაიონო სამიწათმოქმედო განყოფილების გამგე, სამანქანო-სატრაქტორო სადგურის დირექტორი, სარაიონო გაზეთის რედაქტორი და მოწინავე კოლექტიური მეურნეობების წარმომადგენელი.

4. კონკურსის შედეგები გამოკვეთულ უნდა იქნას 1936 წ. ოქტომბრის 1-თვის.

5. დადგენილ იქნას კონკურსის შემდეგი პირობები:

I. რ ა ი ო ნ ე ბ ი ს ა თ ვ ი ს :

ა) თესვის გეგმების მიწვდენა კოლექტიურ მეურნეობებამდე მათ მიერ მიღებული თესლბრუნვის შესაბამისად;

ბ) სათესად ნიადაგის განმზადება დადგენილი აგროტექნიკის მიხედვით და ნაკელის შეტანის გეგმის ათვისება;

გ) თავის დროზე სათესი და სადაზღვეო ფონდების დაგროვება და მაღალი კონდიციის თესლით ნათესების უზრუნველყოფა; თესლის გაწმენდა, სასოფლო-სამეურნეო ვარგისობის შემოწმება, დაწამლვა და წესიერად შენახვის ორგანიზაცია;

დ) მწკრივად თესვის, ჯიშისანი თესლის თესვისა და სარწყავ რაიონებში დათესვისთანავე მორწყვის გეგმის ათვისება;

ე) ქობ-ლაბორატორიების ქსელისა და მასური საცდელობის ორგანიზაცია;

- ვ) კოლექტიურ მეურნეობებში შრომის წესიერი ორგანიზაცია;
- ზ) მასური მუშაობის ორგანიზაცია კოლექტიურ მეურნეობებისა და ერთ-პიროვნული მეურნეობების სექტორში;
- თ) თესვის გეგმის აღსრულება დადგენილ ვადაზე;
- ი) მძრალად ხვნის გეგმის თვისებრივი და რაოდენობრივი აღსრულება;
- კ) თავის დროზე მორწყვის, თოხნისა და მავნებლებთან ბრძოლის ჩატარება და მოსავლის უდანაკარგებოდ აღება;
- ლ) რაიონის მიერ მოსავლიანობის გეგმის გადამეტებით აღსრულება.

II. ს ა მ ა ნ ქ ა ნ ო - ს ა ტ რ ა ქ ტ ო რ ო ს ა დ გ უ რ ე ბ ი ს ა თ ე ს :

- ა) სატრაქტორო სამუშაოების თვისებრივი და რაოდენობრივი აღსრულება;
- ბ) სათბობი მასალის ეკონომიურად ხარჯვა;
- გ) სატრაქტორო სამუშაოებისა და სათბობი მასალის აღრიცხვის სამაგალითოდ დაყენება;
- დ) მწკრივად თესვისა და ჯიშიანი თესლით თესვის გეგმის აღსრულება;
- ე) კოლექტიურ მეურნეობებში შრომის წესიერი ორგანიზაცია;
- ვ) თესვის აგროწესების რეალიზაციისათვის ოპერატიული ხელმძღვანელობის გაწევა;
- ზ) თესვის გეგმის ვადაზე აღსრულება და მოსავლიანობის გეგმების გადამეტებით აღსრულება მომსახურეობაგასაწევ კოლექტიურ მეურნეობებში;
- თ) ქოხ-ლაბორატორიების ქსელისა და მასური საცდელობის ორგანიზაცია.

III. კ ო ლ ე ქ ტ ი უ რ ი - მ ე უ რ ნ ე ო ბ ი ს ა თ ე ს :

- ა) თავის დროზე სათესად ნიადაგის განმზადება, მოხვნა, გადახვნა, დაფარვა და მთლად ქონებული ნაკელის შეტანა;
- ბ) მაღალი კონდიციის თესლის თესვა და განთესვის დადგენილი ნორმის დაცვა; მწკრივად თესვის და ჯიშიანი თესლით თესვის გეგმის ათვისება;
- გ) თესვის გეგმის შემჭიდროებულ ვადაზე აღსრულება; მორწყვა დათესვისთანავე (სარწყავ რაიონებში), წყლის რესურსების მაქსიმალურად გამოყენებით; ჯეჯილის ამოსვლის დროს გამოთესვის ჩატარება, როდესაც ნათესი თხელია; სარეველის მარგვლა;
- დ) საშემოდგომო-სამეურნეო მავნებლებთან ბრძოლა მინდვრად და თესლსაცავეებში;
- ე) საშემოდგომო ნათესების წესიერი განაწილება სათესლბრუნვო მინდვრებზე და მოსავლიანობის განსაზღვრა კოლექტიური მეურნეობისა და ცალკეული ბრიგადებისათვის;

ვ) შრომის წესიერი ორგანიზაცია და გამომუშავების ნორმების აღსრულება;

ზ) მასური მუშაობის ორგანიზაცია: დამკვერელობა, სოცშეჯიბრება, გეგმების დამუშავება და თესვის დავალებათა მიწვდენა კოლმეურნეებამდე, კედლის გაზეთები, „ილიჩოვკები“, ტემპების დაფა და სხვა მისთ.

თ) საგაზაფხულო კულტურების დასათესად მძრალად ხვნის გეგმის ვადამდე შესრულება;

ი) მოსავლიანობის გეგმის გადამეტებით აღსრულება.

IV. ა გ რ ო მ ო მ უ შ ა ვ ე ე ბ ი ს ა თ ე ს :

ა) კოლექტიურ მეურნეობებში თესვის გეგმის დამუშავების თვისება: ნათესების განაწილება თესლბრუნვის ნაკვეთებზე და დარღვეული თესლბრუნვის გამოსწორება; თესვის ვადების, განთესვის ნორმების, ცალკეული ნაკვეთების მოსავლიანობისა და გამომუშავების ნორმების განსაზღვრა და სხვა მისთ.;

ბ) აგრონომის მონაწილეობა და ხელმძღვანელობა: ა) მარცვლეულის წესიერად შენახვის ორგანიზაციაში; ბ) სათესად ნიადაგის განმზადებაში; გ) სათესლე მასალის გაწმენდის ჩატარებაში; დ) ანალიზისათვის მარცვლის ნიმუშების გადარჩევაში; ე) სათესლე მასალის დაწამლვაში; ვ) სათესლე-საკონტროლო ლაბორატორიების ცნობების პრაქტიკულად გამოყენებაში;

გ) მომსახურებაგასაწევ კოლექტიურ მეურნეობებში თესვის უზრუნველყოფა დადგენილი აგროტექნიკის მიხედვით; სისტემატური მეთვალყურეობის გაწევა მუშაობის თვისებისათვის თესვის პროცესში და მოსავლიანობის გეგმის გადამეტებით აღსრულება;

დ) ჯიშიანი თესლის მთლად გამოყენება მომსახურება გასაწევ კოლექტიურ მეურნეობებში;

ე) მასური საცდელობისა და ქობ-ლაბორატორიების მუშაობის ორგანიზაცია.

6. კონკურსის გამოჩინებულ მონაწილეთა დასაბრემიებლად გამოყოფილი იქნას შემდეგი პრემიები:

რ ა ი ო ნ ე ბ ი ს ა თ ე ს გ ა მ ო ი ყ ო ს ს ა მ ი პ რ ე მ ი ა :

1-ლი პრემია—სახალხო კომისართა საბჭოს გარდამავალი დროშა, მსუბუქი მანქანა და ფულად 3.000 მან.—სარაიონო სამიწათმოქმედო განყოფილების, სამანქანო-სატრაქტორო სადგურებისა და სასოფლო საბჭოების მომუშავეთა და ცალკეულ კოლმეურნეთა დასაპრემიებლად;

მე-II პრემია—მსუბუქი მანქანა და ორი ქობ-ლაბორატორიის განყოფილება.

მე-III პრემია—სარაიონო აგროკაბინეტის გაწყობილობა.

კოლექტიური მეურნეობებისათვის გამოიყოს სამი პრემია:

1-ლი პრემია—სატვირთო ავტომანქანა და ქობ-ლაბორატორიის გაწყობილობა.

მე-II პრემია—საბავშვო ბავათა გაწყობილობა 25 ბავშვისათვის და ქობ-ლაბორატორიის გაწყობილობა.

მე-III პრემია—საბავშვო ბავათა გაწყობილობა 20 ბავშვისათვის და ქობ-ლაბორატორიის გაწყობილობა.

სამანქანო-სატრაქტორო სადგურებისათვის გამოიყოს ერთი პრემია:

მსუბუქი მანქანა.

სარაიონო სამიწათმოქმედო განყოფილებისა და სამანქანო-სატრაქტორო სადგურების უფროსი და ჯგუფური აგრონომისათვის გამოიყოს ექვსი პრემია:

I-ლი პრემია:

სარაიონო სამიწათმოქმედო განყოფილებებისა და სამანქანო-სატრაქტორო სადგურების უფროსი აგრონომებისათვის—ფულად 1.000 მან. და თვენახევრით სამეცნიერო წარვლინება;

ჯგუფური აგრონომებისათვის—ფულად 500 მან., ველოსიპედი და ხელის საათი.

მე-II პრემია:

უფროსი აგრონომებისათვის—ფულად 500 მან. და ერთი თვით სამეცნიერო წარვლინება;

ჯგუფური აგრონომებისათვის—ველოსიპედი და ხელის საათი.

მე-III პრემია:

უფროსი აგრონომებისათვის—ფულად 500 მან. და ველოსიპედი;

ჯგუფური აგრონომებისათვის—ველოსიპედი.

7. განისაზღვროს დაპრემიების შემდეგი წესი:

სარაიონო საკონკურსო კომისიები წარადგენენ კოლექტიური მეურნეობებისა და აგრონომების სიებს—მაჩვენებლებითურთ—მიწათმოქმედების სახალხო კომისარიატში, რესპუბლიკანურ კომისიაში წარსადგენად, ხოლო ცალკეულ რაიონებს და სამანქანო-სატრაქტორო სადგურებს წარუდგენს რესპუბლიკანურ კომისიას მიწათმოქმედების სახალხო კომისარიატი. პერსონალურ პრემიებს გასცემენ სარაიონო საკონსურსო კომისიები, გარდა აგრონომებისა, რომელთაც დააპრემიებს საქართველოს სსრ სახალხო კომისარიატის საბჭო.

საქ. სსრ ს.კ.ს.-ის თავმჯდომარე გ. შგალაბლიშვილი.

საქ. სსრ ს.კ.ს.-ის საქმეთა მმართვე. დ. ა. ვ. ლუნკევიჩი.

კომუნალური და საბინაო მუხრანობა

183. დადგენილება ც.ა.კ. და ს.კ.ს.

ქალაქებსა და ქალაქის ტიპის დასახლებულ ადგილებში სახლების ნებადაურთველი მშენებლობის მოსპობის ღონისძიებათა შესახებ.

ქალაქებსა და ქალაქის ტიპის დასახლებულ ადგილებში თვითნებისად, დადგენილი წესისამებრ პროექტების დაუმტკიცებლად სახლების მშენებლობის მოსპობისათვის სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. ყველა იმ შემთხვევაში, როდესაც შენობა იგება დადგენილი წესისამებრ პროექტის დაუმტკიცებლად, საქალაქო საბჭო (სარაიონო საბჭო, სარაიონო აღმასრულებელი კომიტეტი) წინადადებას აძლევს შენობის მფლობელს მოშალოს იგი მიწის ნაკვეთზე, რისთვისაც უნიშნავს მას საჭირო ვადას, ხოლო არა ნაკლებ ათი დღისა. უკეთუ მფლობელი არ შეასრულებს ამ მოთხოვნას დანიშნულ ვადაზე, საქალაქო საბჭოს უფლება აქვს მოახდინოს განკარგულება შენობის მოშლის შესახებ მფლობელის ხარჯზე.

შენიშვნა. დადგენილება ესე ვრცელდება იმ შენობებზედაც, რომელთა აგებაც ნებადართული არ არის და რომლებიც დამთავრებულ არ იქნებიან ამა დადგენილების გამოქვეყნების დროისათვის.

2. ამა დადგენილებას ძალა აქვს საქართველოს სსრ მთელ ტერიტორიაზე აფხაზეთის ასსრ-ისა, აჭარისტანის ასსრ-ისა და სამხრეთ-ოსეთის ავტონომიური ოლქის ჩათვლით.

სრ. საქ. ც.ა.კ.-ის თავმჯდომარის მ. ა. თ. უღენტი.

საქ. სსრ ს.კ.ს.-ოს თავმჯდომარე გ. მაგალობლიშვილი.

სრ. საქ. ც.ა.კ.-ის მდივნის მ. ა. ვ. ვაშაკიძე.

1935 სექტემბრის 16. № 75/1345

ტფილისი.

გ ა ნ ა თ ი ლ ე ბ ა

184. დადგენილება ს.კ.ს

საბავშვო ბაღების—საქართველოს სსრ განათლების სახალხო კომისარიატის გამგებლობაში გადაცემის შესახებ.

„საბავშვო ბაღების მუშაობის მოწესრიგებისათვის საჭირო ღონისძიებათა შესახებ“ გამოცემული, სსრ კავშირის სახალხო კომისართა საბჭოს 1925 წ.

იელისის 6-ის დადგენილების აღსრულებისათვის (სსრკ კან. კრ. 1935 წ. 35 №-ი, მუხ. 309) საქართველოს სსრ სახალხო კომისართა საბჭო ადგენს:

წინადადება მიეცეს ყველა იმ საწარმოს და დაწესებულებას, რომელთანაც არსებობს საბავშვო ბაღი, გადასცეს იგი საქართველოს სსრ განათლების სახალხო კომისარიატისა და მისი ადგილობრივი ორგანოების გამგებლობაში.

საქ. სსრ ს.კ.ს-ოს თავმჯდომარე გ. მგალობლიშვილი.

საქ. სსრ ს.კ.ს-ოს საქმეთა მმართველის დ. ა. ვ. ლუნჯევიჩი.

1935 წ. ოქტომბრის 19. № 1444.

ტფილისი.

ჯანმრთელობის დაცვა

185. დადგენილება ც.ა.კ. და ს.კ.ს.

მღრღნელებთან ბრძოლის ღონისძიებათა შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. გაუქმდეს:

ა) სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1935 წ. მაისის 25-ის დადგენილება „ქალაქებსა, საკურორტო ადგილებსა და მუშათა დაბებში მღრღნელთა წინააღმდეგ ბრძოლის ღონისძიებათა შესახებ“ (კან. კრ. 1935 წ. მე-17 № ი, მუხ. 105);

ბ) სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭო 1935 წ. სექტემბრის 16-ის დადგენილება „ქალაქებსა, საკურორტო ადგილებსა და მუშათა დაბებში მღრღნელთა წინააღმდეგ ბრძოლის ღონისძიებათა თაობაზე გამოცემული სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1935 წ. მაისის 25-ის დადგენილების შეცვლის შესახებ“.

2. ნება დაერთოს თავდაცვა-ავიაციის ორგანიზაციებს განახორციელონ მღრღნელებთან ბრძოლის ღონისძიებანი ქალაქებსა, საკურორტო ადგილებსა და მუშათა დაბებში ხელშეკრულებათა საფუძველზე.

სრ. საქ. ც.ა.კ-ის თავმჯდომარის მ. ა. თ. ჟღენტი.

საქ. სსრ ს.კ.ს-ოს თავმჯდომარის მოადგ. ბ. მღვივანი.

სრ. საქ. ც.ა.კ-ის მდივნის მ. ა. ვ. ვაშაკიძე.

1935. წ. ოქტომბრის 11. № 80 1378.

ტფილისი.

ფახი 20 კაპ.

| | | |
|-------------------|--|---|
| გამომცემელი | საქ. სსრ ს. კ. ს-ის საქმ. მმართველობა | 1935 წ. № 57. პ/მ. რედაქტორი ე. გამრეკელი |
| ქალაქის ფორმატი | 62X94 სანტ.; 3/4 ბეჭდვ. ფურც.; 1 ბეჭდვ. ფურც. 48,500 სტამბ. ნიშანი | |
| გადაეცა სტამბას | 21/X; | ხელმოწერილია დასაბეჭდად 27/XI; ტირაჟი 1.800 |
| თავლ. რწმ. № 8706 | საქ. სახკომსაბჭოს სტამბა | შეკვ. № 1351 |